



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ՎՃՌԱԲԵԿ ԴԱՏԱՐԱՆ

Ո Ր Ո Շ ՈՒ Մ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՆՈՒՆԻՑ

Երևան քաղաքի առաջին ատյանի  
ընդհանուր իրավասության քրեական դատարան,  
նախագահող դատավոր՝ Ն. Բաղդասարյան

ՀՀ վերաքննիչ քրեական դատարան,  
նախագահող դատավոր՝ Ա.Բեկթաշյան  
դատավորներ՝ Ա.Դուկասյան  
Ա.Մաթևոսյան

25 ապրիլի 2025 թվական

ք.Երևան

ՀՀ Վճռաբեկ դատարանի քրեական պալատը (այսուհետ՝ Վճռաբեկ դատարան),

նախագահությամբ՝  
մասնակցությամբ դատավորներ՝

Լ.ԹԱԴԵՎՈՍՅԱՆԻ  
Ս.ԱՎԵՏԻՍՅԱՆԻ  
Հ.ԳՐԻԳՈՐՅԱՆԻ  
Ա.ՊՈՂՈՍՅԱՆԻ

գրավոր ընթացակարգով քննության առնելով Երվանդ Արայիկի Պետրոսյանի  
վերաբերյալ ՀՀ վերաքննիչ քրեական դատարանի՝ 2024 թվականի սեպտեմբերի 2-ի  
որոշման դեմ ՀՀ գլխավոր դատախազ Ա.Վարդապետյանի վճռաբեկ բողոքը,

## Պ Ա Ր Զ Ե Ց

### Վարույթի դատավարական նախապատմությունը.

1. 2020 թվականի ապրիլի 27-ին ՀՀ ոստիկանության Երևան քաղաքի վարչության Կենտրոնականի բաժնում, 2003 թվականի ապրիլի 18-ին ընդունված ՀՀ քրեական օրենսգրքի (այսուհետ՝ նաև ՀՀ քրեական օրենսգիրք) 235-րդ հոդվածի 1-ին մասով, հարուցվել է թիվ 13877820 քրեական գործը:

2020 թվականի ապրիլի 27-ին Երվանդ Արայիկի Պետրոսյանն ապօրինի զենք պահելու, կրելու և օգտագործելու կասկածանքով բերման է ենթարկվել ՀՀ ոստիկանության Երևան քաղաքի վարչության Կենտրոնականի բաժին և նույն օրը ձերբակալվել է:

2020 թվականի ապրիլի 29-ին որոշում է կայացվել Ե.Պետրոսյանին որպես մեղադրյալ ներգրավելու մասին, և նրան մեղադրանք է առաջադրվել ՀՀ քրեական օրենսգրքի 235-րդ հոդվածի 1-ին մասով:

2020 թվականի ապրիլի 30-ին Ե.Պետրոսյանի նկատմամբ որպես խափանման միջոց է կիրառվել չհեռանալու մասին ստորագրությունը:

2020 թվականի հունիսի 4-ին ՀՀ ոստիկանության ՔՈԳՎ ՀԱՄԱԴՊ վարչության ահաբեկչության և ծայրահեղականության դեմ պայքարի բաժնում, ՀՀ քրեական օրենսգրքի 137-րդ հոդվածի 1-ին մասով, հարուցվել է թիվ 58157720 քրեական գործը:

2020 թվականի հունիսի 4-ի որոշմամբ Էդմոն Հրաչիկի Մարությանը թիվ 58157720 քրեական գործով ճանաչվել է տուժող:

2020 թվականի հունիսի 5-ի որոշմամբ թիվ 58157720 քրեական գործը միացվել է թիվ 13877820 քրեական գործին, որին շնորհվել է 13877820 համարը:

2020 թվականի հունիսի 5-ին Ե.Պետրոսյանին առաջադրված մեղադրանքը փոփոխվել, լրացվել է, և նրան նոր մեղադրանք է առաջադրվել ՀՀ քրեական օրենսգրքի 235-րդ հոդվածի 1-ին մասով և 137-րդ հոդվածի 1-ին մասով:

2020 թվականի հունիսի 5-ին քննիչի կողմից կայացվել է որոշում՝ Ե.Պետրոսյանի նկատմամբ կիրառված խափանման միջոց չհեռանալու մասին ստորագրությունը վերացնելու և վերջինիս նկատմամբ կալանավորումը որպես խափանման միջոց կիրառելու միջնորդություն հարուցելու մասին, որը Երևան

քաղաքի առաջին ատյանի ընդհանուր իրավասության դատարանի՝ 2020 թվականի հունիսի 6-ի որոշմամբ մերժվել է:

2020 թվականի հունիսի 8-ին Ե.Պետրոսյանի նկատմամբ որպես խափանման միջոց է կիրառվել չհեռանալու մասին ստորագրությունը:

2021 թվականի հոկտեմբերի 20-ին թիվ 13877820 քրեական գործի նյութերով Ռուբեն Պետիկի Գևորգյանի կողմից 2020 թվականի ապրիլի 30-ին վերջինիս բնակության վայրում կատարված խուզարկության արդյունքում հայտնաբերված և առգրավված, փորձագետի թիվ 863-20 եզրակացության համաձայն ռազմամթերք հանդիսացող մարտական փամփուշտներ ձեռք բերելու և պահելու դեպքի առթիվ, ՀՀ քրեական օրենսգրքի 235-րդ հոդվածի 1-ին մասով, հարուցվել է թիվ 13877820/1 նոր քրեական գործը և առանձնացվել առանձին վարույթում:

2021 թվականի դեկտեմբերի 10-ին Ե.Պետրոսյանին առաջադրված մեղադրանքը փոփոխվել, լրացվել է, և նրան կրկին մեղադրանք է առաջադրվել ՀՀ քրեական օրենսգրքի 235-րդ հոդվածի 1-ին մասով և 137-րդ հոդվածի 1-ին մասով:

2021 թվականի դեկտեմբերի 21-ին թիվ 13877820 քրեական գործի նյութերով 2020 թվականի ապրիլի 27-ին Ե.Պետրոսյանի բնակության վայրում, 2020 թվականի ապրիլի 28-ին Աշտարակի խճուղու 21 հասցեում գործող «Ար Մալի» ՍՊ ընկերության «Մագնում» գազալցակայանում կատարված խուզարկությունների արդյունքում հայտնաբերված և առգրավված, փորձագետի թիվ 806-20 և 863-20 եզրակացությունների համաձայն հրազեն հանդիսացող ատրճանակները և ռազմամթերք հանդիսացող մարտական փամփուշտները քրեական գործով չպարզված հանգամանքներում և ժամանակահատվածում անհայտ անձի կողմից Ե.Պետրոսյանին իրացնելու դեպքի առթիվ, ՀՀ քրեական օրենսգրքի 235-րդ հոդվածի 1-ին մասով, հարուցվել է թիվ 13877820/2 քրեական գործը և առանձնացվել առանձին վարույթում:

2021 թվականի դեկտեմբերի 30-ին քրեական գործը մեղադրական եզրակացությամբ ուղարկվել է Երևան քաղաքի առաջին ատյանի ընդհանուր իրավասության դատարան:

Երևան քաղաքի առաջին ատյանի ընդհանուր իրավասության քրեական դատարանի (այսուհետ՝ նաև Առաջին ատյանի դատարան)՝ 2023 թվականի հոկտեմբերի 26-ի որոշմամբ Ե.Պետրոսյանի նկատմամբ ՀՀ քրեական օրենսգրքի

137-րդ հոդվածի 1-ին մասով քրեական հետապնդումը դադարեցվել է՝ քրեական պատասխանատվության ենթարկելու վաղեմության ժամկետն անցած լինելու հիմքով:

2. Առաջին ատյանի դատարանի՝ 2023 թվականի հոկտեմբերի 26-ի դատավճռով ամբաստանյալ Երվանդ Պետրոսյանը մեղավոր է ճանաչվել ՀՀ քրեական օրենսգրքի 235-րդ հոդվածի 1-րդ մասով և նրա նկատմամբ պատիժ է նշանակվել ազատազրկում՝ 1 (մեկ) տարի ժամկետով: Պատժի ժամկետին հաշվակցվել է Ե.Պետրոսյանի՝ անազատության մեջ գտնվելու 3 օրը՝ թողնելով կրելու ազատազրկում՝ 3 տարի 11 ամիս 27 օր ժամկետով: ՀՀ քրեական օրենսգրքի 70-րդ հոդվածի կիրառմամբ Ե.Պետրոսյանի նկատմամբ նշանակված ազատազրկման ձևով պատիժը պայմանականորեն չի կիրառվել և սահմանվել է փորձաշրջան՝ 1 (մեկ) տարի ժամկետով: Ե.Պետրոսյանը պարտավորեցվել է առանց վերահսկողություն իրականացնող մարմնի համաձայնության չլքել ՀՀ տարածքը, իսկ բնակության վայրը փոխելու դեպքում՝ իր նոր բնակության վայրի հասցեն երկօրյա ժամկետում հայտնել վերահսկողություն իրականացնող մարմնին: Փորձաշրջանի սկիզբը հաշվվել է Ե.Պետրոսյանին հաշվառման վերցնելու պահից: Ե.Պետրոսյանի նկատմամբ որպես խափանման միջոց կիրառված չհեռանալու մասին ստորագրությունը թողնվել է անփոփոխ՝ մինչև դատավճռի օրինական ուժի մեջ մտնելը:

Առաջին ատյանի դատարանի՝ դատական ակտի անհստակությունը լուծելու մասին 2024 թվականի փետրվարի 5-ի որոշմամբ, 2023 թվականի հոկտեմբերի 26-ի դատավճռի եզրափակիչ մասի անհստակությունը լուծվել է. ազատազրկման ձևով պատժի ժամկետին հաշվակցվել է Երվանդ Պետրոսյանի՝ անազատության մեջ գտնվելու 3 օրը՝ թողնելով կրելու ազատազրկում՝ 11 ամիս 27 օր ժամկետով:

3. Երևան քաղաքի Կենտրոն և Նորք-Մարաշ վարչական շրջանների դատախազության ավագ դատախազ Հ.Համբարձումյանի վերաքննիչ բողոքի քննության արդյունքում, ՀՀ վերաքննիչ քրեական դատարանը (այսուհետ՝ նաև Վերաքննիչ դատարան)՝ 2024 թվականի սեպտեմբերի 2-ի որոշմամբ Առաջին ատյանի դատարանի՝ 2023 թվականի հոկտեմբերի 26-ի դատավճիռը թողել է անփոփոխ:

4. Վերաքննիչ դատարանի վերոնշյալ որոշման դեմ ՀՀ գլխավոր դատախազ Ա.Վարդապետյանը ներկայացրել է վճռաբեկ բողոք, որը Վճռաբեկ դատարանի՝ 2025 թվականի ապրիլի 11-ի որոշմամբ ընդունվել է վարույթ և սահմանվել է դատական վարույթի իրականացման գրավոր ընթացակարգ:

**Վճռաբեկ բողոքի հիմքերը, փաստարկները և պահանջը.**

Վճռաբեկ բողոքը քննվում է հետևյալ հիմքերի սահմաններում՝ ներքոհիշյալ փաստարկներով.

5. Բողոքի հեղինակը փաստարկել է, որ Վերաքննիչ դատարանի՝ 2024 թվականի սեպտեմբերի 2-ի որոշումն օրինական և հիմնավորված չէ, դրանով թույլ է տրվել դատական սխալ՝ նյութական օրենքի այնպիսի խախտում, որն ազդել է վարույթի ելքի վրա:

Բողոքաբերը նշել է, որ ստորադաս դատարանները, Երվանդ Պետրոսյանի նկատմամբ ազատագրկման ձևով նշանակված պատիժը պայմանականորեն չկիրառելիս, պատշաճ չեն գնահատել խախտված հասարակական հարաբերության բնույթն ու կարևորությունը, հանցավորի հոգեբանական վերաբերմունքն իր արարքի նկատմամբ, մասնավորապես այն, որ մեղադրյալը գործել է ուղղակի դիտավորությամբ՝ ապօրինի ձեռք է բերել, և բնակարանում, ինչպես նաև Աշտարակի խճուղու իր աշխատավայրում պահել է տարբեր հրազեններ և ռազմամթերք հանդիսացող տարբեր տրամաչափերի բազմաթիվ փամփուշտներ (3 ատրճանակ և տարբեր տրամաչափերի ավելի քան 650 հատ փամփուշտ), առաջադրված մեղադրանքում իրեն մեղավոր չի ճանաչել և տվել է անարժանահավատ ցուցմունքներ այն մասին, որ ունեցել է գրանցված և չգրանցված զենքեր, և, քանի որ կորոնավիրուսի հետ կապված սահմանափակումներ են եղել, նպատակահարմար չի գտել անձամբ զենքերը տանել ոստիկանություն, այլ զանգահարել է լրագրող Գագիկ Շամշյանին, ով, իր իմանալով, ոստիկանության լրագրող է, և ցանկացել է այդկերպ գրանցել զենքերը, հրապարակայնորեն այն հանձնել, չի հայտնել հանցագործության առարկա հրազենի և ռազմամթերքի ձեռքբերման իրական աղբյուրը, դրա ապօրինի շրջանառության իրական նպատակն ու շարժառիթը:

Բողոքաբերը, անդրադառնալով Ե.Պետրոսյանի նկատմամբ նշանակված պատիժը պայմանականորեն չկիրառելու հիմք գնահատված հանգամանքերին,

փաստել է, որ դրանք այն աստիճան չեն նվազեցրել մեղադրյալի արարքի՝ հանրության համար վտանգավորության աստիճանը, որ հիմք հանդիսանային ողջամիտ հետևության հանգելու առ այն, որ պատժի նպատակների իրագործման տեսանկյունից բացակայում է Ե.Պետրոսյանի նկատմամբ ազատագրկման ձևով նշանակված պատիժը փաստացի կրելու անհրաժեշտությունը:

Բողոք բերած անձն ընդգծել է, որ ստորադաս դատարանները պատշաճ իրավական վերլուծության չեն ենթարկել ինչպես Ե.Պետրոսյանի կողմից կատարած հանցավոր արարքի հանրային վտանգավորության աստիճանի վրա ազդող գործոնները, այնպես էլ նրա անձը:

6. Հիմք ընդունելով վերոշարադրյալը՝ բողոքաբերը խնդրել է Ե.Պետրոսյանի նկատմամբ նշանակված ազատագրկման ձևով պատիժը պայմանականորեն չկիրառելու մասով բեկանել Առաջին ատյանի դատարանի՝ 2023 թվականի հոկտեմբերի 26-ի դատավճիռն օրինական ուժի մեջ թողնելու մասին Վերաքննիչ դատարանի՝ 2024 թվականի սեպտեմբերի 2-ի որոշումը, կայացնել դրան փոխարինող դատական ակտ՝ Ե.Պետրոսյանի նկատմամբ նշանակված ազատագրկման ձևով պատիժը պայմանականորեն չկիրառելը վերացնել կամ վարույթը փոխանցել համապատասխան ստորադաս դատարան՝ նոր քննության:

**Վճռաբեկ բողոքի քննության համար էական նշանակություն ունեցող փաստական հանգամանքները.**

7. Երվանդ Պետրոսյանին ՀՀ քրեական օրենսգրքի 235-րդ հոդվածի 1-ին մասով և 137-րդ հոդվածի 1-ին մասով մեղադրանք է առաջադրվել այն բանի համար, որ «(...) նա, մեկ միասնական դիտավորությամբ քրեական գործով դեռևս չսպարզված հանգամանքներում, ժամանակահատվածում և ինքնությունը չսպարզված անձից ապօրինի ձեռք է բերել հրազեն հանդիսացող «ՏՏ» տեսակի «АД 1738» համարի 7,62 մմ (7,62x25) տրամաչափի արբանակը, ԽՍՀՄ գործարանային արտադրության, «ՏԿ» մոդելի, «344921» համարի, 6,35մմ /6,35x15/ տրամաչափի ակոսափող արբանակը, գործարանային արտադրության, «Beretta M1934» մոդելի, «G08468» համարի, 9մմ /9x17/ տրամաչափի ակոսափող արբանակը և ռազմամթերք հանդիսացող 4 հար 7,62 մմ (7,62x25) փամփուշները, արբանակի պահեստարարուից թվով 8 հար, գործարանային արտադրության, 6,35մմ /6,35x15/

Կրամնաչափի սպորտային-վարժանքային փամփուշները, արճանակի պահեստարարուից թվով 4 հար, գործարանային արտադրության, 9մմ /9x17/ կրամնաչափի սպորտային-վարժանքային փամփուշները, թվով 1 հար, գործարանային արտադրության, 7,62մմ /7,62x25/ կրամնաչափի մարտական փամփուշը, թվով 14 հար, գործարանային արտադրության, 7,62մմ /7,62x39/ կրամնաչափի մարտական փամփուշները, թվով 16 հար, գործարանային արտադրության, 7,62մմ /7,62x39/ կրամնաչափի մարտական փամփուշները, թվով 12 հար, գործարանային արտադրության, 7,62մմ /7,62x39/ կրամնաչափի մարտական փամփուշները, թվով 1 հար, գործարանային արտադրության, 6,35մմ /6,35x15/ կրամնաչափի սպորտային-վարժանքային փամփուշը, որոնք տեղափոխել և ապօրինի պահել է Երևան քաղաքի Սարմենի փողոցի 13 շենքի 20 հասցեում գրնվող իր քնակարանում, որոնք 2020 թվականի ապրիլի 27-ին կատարված խուզարկությամբ հիշյալ հասցեից հայտնաբերվել և առգրավվել է:

Վերոնշվածից բացի, Երվանդ Պետրոսյանն ապօրինի ձեռք է բերել ռազմամթերք հանդիսացող թվով 161 հար գործարանային արտադրության, 5,45մմ /5,45x39/ կրամնաչափի մարտական փամփուշները, թվով 91 հար, գործարանային արտադրության, 7,62մմ /7,62x39/ կրամնաչափի մարտական փամփուշները, թվով 169 հար, գործարանային արտադրության, 7,62մմ/7,62x39/ կրամնաչափի մարտական փամփուշները, թվով 174 հար, գործարանային արտադրության, 7,62մմ /7,62x39/ կրամնաչափի մարտական փամփուշները, որոնք տեղափոխել և ապօրինի պահել է Աշտարակի խճուղու 21 հասցեում գործող, «Մագնում» գազայցակայանի տարածքում գրնվող իր աշխատասենյակում, իսկ 2020 թվականի ապրիլի 28-ին կատարված խուզարկությունով հիշյալ հասցեից հայտնաբերվել և առգրավվել է:

Բացի այդ՝ Երվանդ Արայիկի Պետրոսյանը 2020 թվականի մայիսի 19-ին՝ ժամը 11:15-ին և հունիսի 3-ին՝ ժամը 13:00-ի սահմաններում, զանգահարել է ՀՀ ԱԺ «Լուսավոր Հայաստան» խմբակցության գրասենյակ, հեռախոսագրույց է ունեցել նույն խմբակցության պարզամավոր Անի Սամսոնյանի հետ, ապա խմբակցության ղեկավար Էդմոն Հրաչիկի Մարտիկյանի հետ, որի ժամանակ վերջինիս հասցեին տվել է սպանության սպառնալիքներ, այն է՝ Էդմոն Մարտիկյանի գլխին կանաչ լույս է վառվում, նշանատրության տակ է, վերջինս դադարեցնի հրապարակային ելույթները,

չխոսի, այլապես վիզը կթոցնի, իսկ այդ սպանալիքները էդմոն Մարտիրոսյանի մոտ ընկալվել են իրական՝ առաջացրել փազնասպ իր կյանքի և առողջության համար (...)<sup>1</sup>»:

8. Ամբուլատոր դատահոգեբուժական փորձագիտական հանձնաժողովի թիվ 425/21 եզրակացության համաձայն՝ «(...) Երվանդ Արայիկի Պեպրոսյանը հեղափոխական իրավիճակում փառապել և ներկայումս փառապում է՝ «Օրգանական աֆեկտիվ խանգարում՝ գերարժեքային միքերով, բարդացած ալկոհոլի չարաշահմամբ F06.3» ախտորոշմամբ հոգեկան գործունեության խանգարմամբ: Փորձաքննվողի հոգեկան ոլորտի այնպիսի առանձնահատկությունները, ինչպիսին են միաժողովրդական մածուցիկությունը, ռիզիկոնությունը, հանգամայնությունը, գլխավորը երկրորդականից փարբերակելու դժվարությունները, դարձողությունների ցածր արդյունավետությունը՝ գերարժեքային բնույթի միքերով, հուզական արտահայտված անկայունությունը, լավանությունը, նախկինում նրան բնորոշ անձնային առանձնահատկությունների հարթվածությունը, քննադատական ունակությունների ձևականությունը, սեփական իմպուլսները և էմոցիաները վերահսկելու կարողության խանգարումը, բարձր կոնֆլիկտայնությունը՝ ագրեսիվ բնույթի հակվածությամբ, շրջապատին մեղադրելու միտումներով՝ սեփական մեղքի զգացման և պարասիսանալիզացիայի ցածր մակարդակով, իր արարքների հետևանքները կանխատեսելու ունակության անբավարարությամբ՝ էսպես սահմանափակում են և իրեն մեղաագրվող արարքները կատարելիս ևս սահմանափակել են՝ իր կողմից կատարած գործողությունների բնույթը, նշանակությունը, վրանգավորությունը հասկանալու, դրանց համար իրեն հաշիվ տալու, հետևանքները գիտակցելու և դրանք ղեկավարելու ունակությունները: Ուստի, Երվանդ Պեպրոսյանին հարկ է իրեն մեղաագրվող արարքների նկատմամբ ճանաչել սահմանափակ մեղսունակ: Ներկայիս հոգեվիճակով սոցիալապես վրանգ չի ներկայացնում, հարկադիր բուժման կարիք չունի: Ազատազրկվելիս կարիք ունի հոգեբույժի հսկողության՝ ՔԿԸ-ի պայմաններում (...)<sup>2</sup>»:

9. Առաջին ատյանի դատարանը 2023 թվականի հոկտեմբերի 26-ի դատավճռով արձանագրել է հետևյալը. «(...) /Բ/արարանը գալիս է այն եզրահանգման, որ թեև

<sup>1</sup> Տե՛ս վարույթի նյութեր, հատոր 4, թերթեր 127-128:

<sup>2</sup> Տե՛ս վարույթի նյութեր, հատոր 4, թերթեր 2-9:



ամբաստանյալ Երվանդ Պետրոսյանն առաջադրված մեղադրանքում իրեն մեղավոր չճանաչեց, այնուամենայնիվ ցուցմունքով հաստատեց, որ դեռևս 2005 թվականից իր մոր պահել է արթճանակները և երբևէ չի դիմել պարկան մարմիններին՝ դրանք օրինականացնելու համար:

(...) [Ա]մբաստանյալ Երվանդ Պետրոսյանի նկարմամբ, նրա կատարած հանցագործության համար պարիժ նշանակելիս՝ դատարանը հաշվի է առնում վերոհիշյալ նախադեպային որոշումներում արտահայտված իրավական դիրքորոշումները:

Գատարանն ամբաստանյալ Երվանդ Պետրոսյանի անձը բնութագրող հանգամանք է համարում այն, որ նա նախկինում դատված չի եղել, դատահոգեբուժական փորձաքննության փորձագետի թիվ 425/21 եզրակացությամբ ճանաչվել է սահմանափակ մեղսունակ:

Գատարանն ամբաստանյալ Երվանդ Պետրոսյանի պարասխանարվությունը և պարիժը մեղմացող հանգամանք է համարում ինսամբին երկու անչափահաս երեխաների (Սեդա Երվանդի Պետրոսյանի՝ ծնված 03.08.2014թ., Ռաֆայել Երվանդի Պետրոսյանի՝ ծնված 12.06.2012թ.) առկայությունը:

Գատարանն արձանագրում է, որ ամբաստանյալ Երվանդ Պետրոսյանի պարասխանարվությունը և պարիժը ծանրացնող հանգամանքներ գործում առկա չեն:

Վերոգրյալ իրավանորմերի և դատողությունների համարեքստում քննարկելով այն հարցը, թե ինչ պարժարեսակ և պարժաչափ պետք է նշանակվի ամբաստանյալ Երվանդ Պետրոսյանի նկարմամբ, հաշվի առնելով ամբաստանյալ Երվանդ Պետրոսյանի կատարած հանցագործության բնույթը և հանրության համար վրանգավորության աստիճանը, դրա կատարման եղանակը, հանցավոր մրադրության իրականացման աստիճանը, այդ թվում՝ հանցագործության առարկայի տեսակները, քանակը, հարկությունները, հանցագործությունը կատարելուց հետո նրա դրսևորած վարքագիծը, նրա արարքի սոցիալական հետևանքները, ինչպես նաև հանցագործության անմիջական օբյեկտի՝ հասարակական անվրանգության դեմ ուղղված ուրնձգության բնույթը և այդ ոլորտում պետության քրեական քաղաքականության ուղղվածությունը, դրանք

համադրելով նրա անձը բնութագրող տվյալների հետ և հաշվի առնելով նաև ամբաստանյալի պարասիսանարվությունը և պարիժը մեղմացնող վերոգրյալ հանգամանքները և ծանրացնող հանգամանքների բացակայությունը՝ դատարանը գտնում է, որ ամբաստանյալ Երվանդ Պետրոսյանն իր կատարած ՀՀ քրեական օրենսգրքի 235-րդ հոդվածի 1-ին մասով նախատեսված հանցագործության համար ենթակա է պարժի ազատազրկման ձևով՝ 1 (մեկ) տարի ժամկետով, ինչն անհրաժեշտ և բավարար է պարժի նպատակների իրագործումն ապահովելու համար:

(...)

[Բ]նարկելով ազատազրկման ձևով պարիժը Երվանդ Պետրոսյանի կողմից կրելու նպատակահարմարության հարցը, դատարանը հաշվի է առնում վերջինիս կատարած հանցավոր արարքի բնույթը և հանրության համար վրանգավորության սարիճանը, ամբաստանյալի անձը (նախկինում դատված չլինելը, ընդհանրապես դրությունը, առողջական վիճակը), դատարանի կողմից արձանագրված՝ պարասիսանարվությունն ու պարիժը մեղմացնող հանգամանքները, ինչպես նաև պարասիսանարվությունն ու պարիժը ծանրացնող հանգամանքների բացակայությունը: Այդ թվում, Երվանդ Պետրոսյանի ուղղման հնարավորությունը գնահատելիս, դատարանը հաշվի է առնում այն հանգամանքը, որ վերջինս գործի քննության ընթացքում գրավելով ազատության մեջ, զերծ է մնացել այլ հակասօրինական արարքներ կատարելուց:

Վերլուծելով և գնահատելով վերը նշված հանգամանքներն իրենց համակցության մեջ, դատարանը գտնում է, որ տվյալ դեպքում պարժի նպատակներին հնարավոր է հասնել առանց ամբաստանյալի կողմից ազատազրկման ձևով պարիժը փաստացի կրելու, հետևաբար, նրա նկատմամբ նշանակվող պարիժը՝ 11 (տասնմեկ) ամիս 27 (քսանյոթ) օր ժամկետով ազատազրկումը, պետք է պայմանականորեն չկիրառել՝ սահմանելով փորձաշրջան՝ 1 (մեկ) տարի ժամկետով»<sup>3</sup>:

10. Վերաքննիչ դատարանը 2024 թվականի սեպտեմբերի 2-ի որոշմամբ արձանագրել է հետևյալը. «(...) Վերաքննիչ դատարանը գտնում է, որ մեղադրյալի

<sup>3</sup> Տե՛ս վարույթի նյութեր, հատոր 5, թերթեր 146-161:

նողովելը հնարավոր է նրա նկատմամբ ազատագրկման ձևով նշանակված պարիժը պայմանականորեն չկիրառելու միջոցով. առանց պարիժը փաստացի կրելու հասնել ՀՀ քրեական օրենսգրքի 55-րդ հոդվածով սահմանված պարժի նպատակներին:

(...)

Ինչ վերաբերում է բողոքաբերի այն պնդումներին, որ Երվանդ Պետրոսյանը Երևան քաղաքի Կենտրոն վարչական շրջանում, ինչպես նաև Աշտարակի իճուղու իր աշխարավայրում ապօրինի ձեռք է բերել և պահել փարբեր հրազեններ և ռազմամթերք հանդիսացող փարբեր փրամաշափերի բազմաթիվ փամփուշներ, որոնց առկայությունը ավելի են բարձրացնում կատարված արարքի հանրային վրանգավորության աստիճանը, և որոնցով հնարավոր է ոչնչություն կատարվել անձի կյանքի և առողջության, հասարակական կարգի նկատմամբ, ապա Վերաքննիչ դատարանը գրնում է, որ դրանք անհիմն են, քանի որ դատավճռում շարադրվող բոլոր հետևությունները պետք է պարզաձև պարճատարանված լինեն, այլ ոչ թե հիմնված լինեն ենթադրությունների վրա:

(...)

Այսպիսով, Վերաքննիչ դատարանը գրնում է, որ ամբաստանյալ Երվանդ Պետրոսյանի նկատմամբ պարիժ նշանակելու, ինչպես նաև ազատագրկման ձևով նշանակված պարիժը պայմանականորեն չկիրառելու վերաբերյալ Առաջին արյանի դատարանի հետևություններն արդարության և պարասխանատվության անհատականացման սկզբունքի երաշխավորման տեսանկյունից բավարար չափով հիմնավորված են, իսկ Առաջին արյանի դատարանի կողմից թույլ չի տրվել այնպիսի դատական սխալ, որն ազդեցություն է ունեցել կամ կարող էր ազդեցություն ունենալ գործի ելքի վրա (...)<sup>4</sup>:

### **Վճռաբեկ դատարանի հիմնավորումները և եզրահանգումը.**

11. ՀՀ քրեական դատավարության օրենսգրքի անցումային դրույթները կարգավորող 483-րդ հոդվածի 8-րդ մասի համաձայն՝ «Մինչև սույն օրենսգիրքն ուժի մեջ մտնելը կայացված դատական ակտերով վերաքննիչ և վճռաբեկ բողոքները բերվում և քննվում են մինչև 2022 թվականի հուլիսի 1-ը գործող կարգով»:

<sup>4</sup> Տե՛ս վարույթի նյութեր, հատոր 7, թերթեր 24-39:

Վերոգրյալից հետևում է, որ 2022 թվականի հուլիսի 1-ից հետո կայացված դատական ակտերի դեմ վճռաբեկ բողոքները բերվում և քննվում են 2022 թվականի հուլիսի 1-ից գործող քրեական դատավարության օրենսգրքով սահմանված կարգով: Հետևաբար, սույն բողոքի քննությունն իրականացնելիս, որպես Վճռաբեկ դատարանում բողոքի քննության ընթացակարգ հիմք է ընդունվում 2022 թվականի հուլիսի 1-ից գործող կարգը:

12. Սույն գործով Վճռաբեկ դատարանի առջև բարձրացված իրավական հարցը հետևյալն է. հիմնավորվա՞ծ են արդյոք Երվանդ Պետրոսյանի նկատմամբ ՀՀ քրեական օրենսգրքի 235-րդ հոդվածի 1-ին մասով ազատազրկման ձևով նշանակված պատիժը պայմանականորեն չկիրառելու վերաբերյալ ստորադաս դատարանների հետևությունները:

13. Վճռաբեկ դատարանը նշանակված պատիժը պայմանականորեն չկիրառելու հարցերին անդրադարձել է մի շարք նախադեպային որոշումներում<sup>5</sup>:

13.1. Վերահաստատելով նախկինում արտահայտած իրավական դիրքորոշումները՝ Վճռաբեկ դատարանը ևս մեկ անգամ փաստում է, որ դատարանի համոզվածությունը և վստահությունն այն մասին, որ ամբաստանյալի ուղղվելը հնարավոր է առանց իրական պատիժ կրելու, պետք է հիմնվի օբյեկտիվ գոյություն ունեցող այնպիսի տվյալների համակողմանի վերլուծության վրա, որոնք բնութագրում են արարքը, հանցավորի անձը և վկայում պատիժը պայմանականորեն չկիրառելու հիմքերի առկայության մասին: Այս կապակցությամբ Վճռաբեկ դատարանը բազմիցս փաստել է, որ թեև պատիժը պայմանականորեն չկիրառելու հետ կապված ՀՀ քրեական օրենսգրքին ինչպես հանցագործությունների, այնպես էլ անձանց շրջանակի որևէ սահմանափակում չի նախատեսում, սակայն դատարանի հետևությունները պետք է, ի թիվս այլնի, հիմնված լինեն նաև հանցագործության հանրային վտանգավորության աստիճանի և բնույթի ամբողջական գնահատման

<sup>5</sup> Տե՛ս Վճռաբեկ դատարանի՝ *Արմեն Շահբազյանի* գործով 2014 թվականի օգոստոսի 15-ի թիվ ԵՇԴ/0143/01/13, *Արմեն Գրիգորյանի* գործով 2021 թվականի փետրվարի 10-ի թիվ ԵԴ/0335/01/19, *Մարգիս Խաչատրյանի* գործով 2015 թվականի մարտի 27-ի թիվ ՏԴ/0031/01/14, *Նարեկ Խաչատրյանի* գործով 2015 թվականի օգոստոսի 28-ի թիվ ԵԿԴ/0191/01/14, *Արսեն Կարապետյանի և Ռուբեն Գույգույանի* գործով 2015 թվականի օգոստոսի 28-ի թիվ ԵԱԴԴ/0011/01/14, *Սերգեյ Արովյանի* գործով 2016 թվականի հունիսի 24-ի թիվ ԵԱԴԴ/0038/01/15, *Անդրանիկ Ալավերդյանի* գործով 2021 թվականի հուլիսի 20-ի թիվ ԿԴ2/0026/01/19 որոշումները:

վրա<sup>6</sup> հաշվի առնելով այնպիսի գործոններ, ինչպիսիք են օրենքով պահպանվող հասարակական հարաբերության բնույթը, մեղքի ձևը և տեսակը, պատճառված վնասի չափը, պատասխանատվությունը և պատիժը մեղմացնող ու ծանրացնող հանգամանքները, հանցագործության հանգամանքները, եղանակը, գործիքներն ու միջոցները, նպատակներն ու շարժառիթները և այլն<sup>7</sup>:

ՀՀ քրեական օրենսգրքի 235-րդ հոդվածի 1-ին մասի համաձայն՝ *«Ապօրինի կերպով հրազեն, բացի ողորկափող հրազենից և դրա փամփուշներից, ռազմամթերք, ակոսափող հրազենի փամփուշներ, պայթուցիկ նյութեր կամ պայթուցիկ սարքեր ձեռք բերելը, իրացնելը, պահելը, փոխադրելը կամ կրելը՝*

*պարժվում է կալանքով՝ առավելագույնը երեք ամիս ժամկետով, կամ ազատազրկմամբ՝ առավելագույնը երեք տարի ժամկետով»:*

14. Սույն գործի նյութերի ուսումնասիրությունից երևում է, որ.

- Երվանդ Պետրոսյանին ՀՀ քրեական օրենսգրքի 235-րդ հոդվածի 1-ին մասով մեղադրանք է առաջադրվել այն արարքի համար, որ նա մեկ միասնական դիտավորությամբ, քրեական գործով դեռևս չպարզված հանգամանքներում, ժամանակահատվածում և ինքնությունը չպարզված անձից ապօրինի ձեռք է բերել հրազեն հանդիսացող «ՏՏ» տեսակի «ЯД 1738» համարի 7,62 մմ (7,62x25) տրամաչափի ատրճանակը, ԽՍՀՄ գործարանային արտադրության, «ՏԿ» մոդելի, «344921» համարի, 6,35մմ (6,35x15) տրամաչափի ակոսափող ատրճանակը, գործարանային արտադրության, «Beretta M1934» մոդելի, «G08468» համարի, 9մմ (9x17) տրամաչափի ակոսափող ատրճանակը և ռազմամթերք հանդիսացող 4 հատ 7,62 մմ (7,62x25) փամփուշները, ատրճանակի պահեստատուփից թվով 8 հատ, գործարանային արտադրության, 6,35մմ (6,35x15) տրամաչափի սպորտային-վարժանքային փամփուշները, ատրճանակի պահեստատուփից թվով 4 հատ, գործարանային արտադրության, 9մմ (9x17) տրամաչափի սպորտային-

<sup>6</sup> Հանցագործության հանրային վտանգավորության աստիճանի և բնույթի վերաբերյալ, ի թիվս այլ որոշումների, մանրամասն տե՛ս Վճռաբեկ դատարանի՝ *Գարուշ Մադայթյանի* գործով 2009 թվականի փետրվարի 17-ի թիվ ԵՇԳ/0029/01/08, *Արարատ Ավագյանի* և *Վահան Սահակյանի* գործով 2014 թվականի հոկտեմբերի 31-ի թիվ ԵԿԳ/0252/01/13 որոշումները:

<sup>7</sup> Տե՛ս Վճռաբեկ դատարանի՝ *Սամսոն Ամիրխանյանի* գործով 2012 թվականի նոյեմբերի 1-ի թիվ ԵԱԳԳ/0034/01/12, *Արսեն Մկրտչյանի* գործով 2012 թվականի դեկտեմբերի 5-ի թիվ ԼԳ/0093/01/12, *Վանյա Բեգյանի* գործով 2013 թվականի հոկտեմբերի 18-ի թիվ ՏԳ/0018/01/13, *Արամայիս Հովհաննիսյանի* գործով 2015 թվականի փետրվարի 27-ի թիվ ԳԳ/0014/01/14, *Միեր Հովհաննիսյանի* գործով 2015 թվականի դեկտեմբերի 18-ի թիվ ԵԿԳ/0039/01/15 և այլ որոշումները:

վարժանքային փամփուշտները, թվով 1 հատ, գործարանային արտադրության, 7,62մմ (7,62x25) տրամաչափի մարտական փամփուշտը, թվով 14 հատ, գործարանային արտադրության, 7,62մմ (7,62x39) տրամաչափի մարտական փամփուշտները, թվով 16 հատ, գործարանային արտադրության, 7,62մմ (7,62x39) տրամաչափի մարտական փամփուշտները, թվով 12 հատ, գործարանային արտադրության, 7,62մմ (7,62x39) տրամաչափի մարտական փամփուշտները, թվով 1 հատ, գործարանային արտադրության, 6,35մմ (6,35x15) տրամաչափի սպորտային-վարժանքային փամփուշտը, որոնք տեղափոխել և ապօրինի պահել է Երևան քաղաքի Սարմենի փողոցի 13 շենքի 20 հասցեում գտնվող իր բնակարանում, որոնք 2020 թվականի ապրիլի 27-ին կատարված խուզարկությամբ հիշյալ հասցեից հայտնաբերվել և առգրավվել է:

Վերոնշվածից բացի, Երվանդ Պետրոսյանն ապօրինի ձեռք է բերել ռազմամթերք հանդիսացող թվով 161 հատ գործարանային արտադրության, 5,45մմ (5,45x39) տրամաչափի մարտական փամփուշտները, թվով 91 հատ, գործարանային արտադրության, 7,62մմ (7,62x39) տրամաչափի մարտական փամփուշտները, թվով 169 հատ, գործարանային արտադրության, 7,62մմ (7,62x39) տրամաչափի մարտական փամփուշտները, թվով 174 հատ, գործարանային արտադրության, 7,62մմ (7,62x39) տրամաչափի մարտական փամփուշտները, որոնք տեղափոխել և ապօրինի պահել է Աշտարակի խճուղու 21 հասցեում գործող, «Մազնում» գազալցակայանի տարածքում գտնվող իր աշխատասենյակում, իսկ 2020 թվականի ապրիլի 28-ին կատարված խուզարկությունով հիշյալ հասցեից հայտնաբերվել և առգրավվել է<sup>8</sup>:

- Առաջին ատյանի դատարանը, անդրադառնալով ազատագրկման ձևով նշանակված պատիժը Երվանդ Պետրոսյանի կողմից կրելու նպատակահարմարության հարցին, հաշվի է առել վերջինիս կատարած հանցավոր արարքի բնույթը և հանրության համար վտանգավորության աստիճանը, ամբաստանյալի անձը՝ նախկինում դատապարտված չլինելը, ընտանեկան դրությունը, առողջական վիճակը՝ դատահոգեբուժական փորձագիտական հանձնաժողովի թիվ 425/21 եզրակացությամբ սահմանափակ մեղսունակ ճանաչվելը, խնամքին երկու անչափահաս երեխաների առկայությունը, ինչպես նաև

<sup>8</sup> Տե՛ս սույն որոշման 7-րդ կետը:

պատասխանատվությունն ու պատիժը ծանրացնող հանգամանքների բացակայությունը: Երվանդ Պետրոսյանի ուղղման հնարավորությունը գնահատելիս, Առաջին ատյանի դատարանը հաշվի է առել այն հանգամանքը, որ վերջինս գործի քննության ընթացքում գտնվելով ազատության մեջ, զերծ է մնացել այլ հակաօրինական արարքներ կատարելուց:

Վերոնշյալ հանգամանքներն իրենց համակցության մեջ գնահատելով, Առաջին ատյանի դատարանը գտել է, որ տվյալ դեպքում պատժի նպատակներին հնարավոր է հասնել առանց ամբաստանյալի կողմից ազատագրկման ձևով պատիժը փաստացի կրելու, և նրա նկատմամբ նշանակվող պատիժը՝ 11 (տասնմեկ) ամիս 27 (քսանյոթ) օր ժամկետով ազատագրկումը, պայմանականորեն չի կիրառել՝ սահմանելով փորձաշրջան՝ 1 (մեկ) տարի ժամկետով<sup>9</sup>:

- Վերաքննիչ դատարանն իր որոշմամբ արձանագրել է, որ ամբաստանյալ Երվանդ Պետրոսյանի նկատմամբ պատիժ նշանակելու, ինչպես նաև ազատագրկման ձևով նշանակված պատիժը պայմանականորեն չկիրառելու վերաբերյալ Առաջին ատյանի դատարանի հետևություններն արդարության և պատասխանատվության անհատականացման սկզբունքի երաշխավորման տեսանկյունից բավարար չափով հիմնավորված են, իսկ Առաջին ատյանի դատարանի կողմից թույլ չի տրվել այնպիսի դատական սխալ, որն ազդեցություն է ունեցել կամ կարող էր ազդեցություն ունենալ գործի ելքի վրա<sup>10</sup>:

15. Նախորդ կետում շարադրված փաստական տվյալները գնահատելով սույն որոշմամբ մեջբերված իրավական դիրքորոշումների լույսի ներքո՝ Վճռաբեկ դատարանն արձանագրում է, որ ստորադաս դատարանների կողմից Երվանդ Պետրոսյանի նկատմամբ նշանակված պատիժը պայմանականորեն չկիրառելու հիմքում դրված հանգամանքները՝ առողջական վիճակը՝ սահմանափակ մեղսունակ ճանաչվելը, խնամքին երկու անչափահաս երեխաների առկայությունը, նախկինում դատապարտված չլինելը, այն հանգամանքը, որ վերջինս գործի քննության ընթացքում գտնվելով ազատության մեջ, զերծ է մնացել այլ հակաօրինական արարքներ կատարելուց, պատասխանատվությունն ու պատիժը ծանրացնող հանգամանքների բացակայությունը, բավարար չեն կարող համարվել ողջամիտ

<sup>9</sup> Տե՛ս սույն որոշման 9-րդ կետը:

<sup>10</sup> Տե՛ս սույն որոշման 10-րդ կետը:

հետևության հանգելու առ այն, որ պատժի նպատակների իրագործման տեսանկյունից բացակայում է Ե.Պետրոսյանի նկատմամբ ազատագրկման ձևով նշանակված պատիժը փաստացի կրելու անհրաժեշտությունը: Այլ կերպ՝ ստորադաս դատարանների կողմից Ե.Պետրոսյանի նկատմամբ ազատագրկման ձևով նշանակված պատիժը պայմանականորեն չկիրառելիս արձանագրված հանգամանքները ողջամտորեն չեն նվազեցնում ամբաստանյալի կամ նրա կատարած արարքի հանրային վտանգավորությունն այն աստիճան, որ վերջինիս նկատմամբ պատիժը պայմանականորեն չկիրառելը լինի իրավաչափ:

16. Վճռաբեկ դատարանն արձանագրում է, որ Երվանդ Պետրոսյանի նկատմամբ նշանակված պատիժը պայմանականորեն չկիրառելիս ստորադաս դատարանները պատշաճ իրավական վերլուծության չեն ենթարկել ամբաստանյալի կողմից կատարած հանցավոր արարքի բնույթի և հանրային վտանգավորության աստիճանի վրա ազդող մի շարք գործոններ.

ա) խախտված հասարակական հարաբերության բնույթն ու կարևորությունը՝ այն, որ ամբաստանյալը ոտնձգել է հասարակության անվտանգության պաշտպանությանն ուղղված հասարակական հարաբերությունների դեմ,

բ) հանցավորի հոգեբանական վերաբերմունքն իր արարքի նկատմամբ, մասնավորապես այն, որ մեղադրյալը, գործելով ուղղակի դիտավորությամբ, ապօրինի ձեռք է բերել և **բնակարանում պահել է տարբեր հրազեններ և ռազմամթերք հանդիսացող տարբեր տրամաչափերի բազմաթիվ փամփուշտներ**, ինչպես նաև **հասարակական նշանակության տարածքում՝ գազալացակայանում գտնվող իր առանձնասենյակում պահել է ռազմամթերք հանդիսացող տարբեր տրամաչափերի բազմաթիվ փամփուշտներ**,

գ) զենքերի և փամփուշտների տեսակները և քանակը. հրազեն հանդիսացող «TT» տեսակի «АД 1738» համարի 7,62 մմ (7,62x25) տրամաչափի ատրճանակ, ԽՍՀՄ գործարանային արտադրության, «TK» մոդելի, «344921» համարի, 6,35մմ (6,35x15) տրամաչափի ակոսափող ատրճանակ, գործարանային արտադրության, «Beretta M1934» մոդելի, «G08468» համարի, 9մմ (9x17) տրամաչափի ակոսափող ատրճանակ և ռազմամթերք հանդիսացող 4 հատ 7,62 մմ (7,62x25) փամփուշտներ, ատրճանակի պահեստատուփից թվով 8 հատ, գործարանային արտադրության, 6,35մմ (6,35x15) տրամաչափի սպորտային-վարժանքային փամփուշտներ, ատրճանակի



պահեստատուփից թվով 4 հատ, գործարանային արտադրության, 9մմ (9x17) տրամաչափի սպորտային-վարժանքային փամփուշտներ, թվով 1 հատ, գործարանային արտադրության, 7,62մմ (7,62x25) տրամաչափի մարտական փամփուշտ, թվով 14 հատ, գործարանային արտադրության, 7,62մմ (7,62x39) տրամաչափի մարտական փամփուշտներ, թվով 16 հատ, գործարանային արտադրության, 7,62մմ (7,62x39) տրամաչափի մարտական փամփուշտներ, թվով 12 հատ, գործարանային արտադրության, 7,62մմ (7,62x39) տրամաչափի մարտական փամփուշտներ, թվով 1 հատ, գործարանային արտադրության, 6,35մմ (6,35x15) տրամաչափի սպորտային-վարժանքային փամփուշտ, ռազմամթերք հանդիսացող թվով 161 հատ գործարանային արտադրության, 5,45մմ (5,45x39) տրամաչափի մարտական փամփուշտներ, թվով 91 հատ, գործարանային արտադրության, 7,62մմ (7,62x39) տրամաչափի մարտական փամփուշտներ, թվով 169 հատ, գործարանային արտադրության, 7,62մմ (7,62x39) տրամաչափի մարտական փամփուշտներ, թվով 174 հատ, գործարանային արտադրության, 7,62մմ (7,62x39) տրամաչափի մարտական փամփուշտներ:

17. Ընդհանրացնելով սույն որոշման նախորդ կետում կատարված վերլուծությունը՝ Վճռաբեկ դատարանն արձանագրում է, որ ստորադաս դատարանները, Ե.Պետրոսյանի նկատմամբ նշանակված պատիժը կրելու նպատակահարմարության հարցի վերաբերյալ եզրահանգումները պետք է կառուցելին վերոնշյալ հանգամանքների՝ իրենց ամբողջության մեջ մանրամասն վերլուծության արդյունքում:

18. Ինչ վերաբերում է Երվանդ Պետրոսյանի առողջական վիճակին, ապա Վճռաբեկ դատարանն արձանագրում է, որ ամբուլատոր դատահոգեբուժական փորձագիտական հանձնաժողովի թիվ 425/21 եզրակացության համաձայն՝ թեև վերջինս տառապում է «Օրգանական աֆեկտիվ խանգարում՝ գերարժեքային մտքերով, բարդացած ակոհոլի չարաշահմամբ F06.3» ախտորոշմամբ հոգեկան գործունեության խանգարմամբ, սակայն ներկայիս հոգեվիճակով սոցիալապես վտանգ չի ներկայացնում և հարկադիր բուժման կարիք չունի, իսկ ազատագրկվելիս կարիք ունի հոգեբույժի հսկողության՝ քրեակատարողական հիմնարկի

պայմաններում<sup>11</sup>, հետևաբար վերջինիս առողջական վիճակը չի խոչընդոտում ազատագրկման ձևով պատիժը կրելուն:

19. Նման պայմաններում, Վճռաբեկ դատարանն արձանագրում է, որ Ե.Պետրոսյանի նկատմամբ ՀՀ քրեական օրենսգրքի 235-րդ հոդվածի 1-ին մասով ազատագրկման ձևով նշանակված պատիժը պայմանականորեն չկիրառելու վերաբերյալ ստորադաս դատարանների հետևությունները հիմնավորված չեն:

20. Վերոգրյալի հաշվառմամբ, Վճռաբեկ դատարանը գտնում է, որ ստորադաս դատարանները, Ե.Պետրոսյանի նկատմամբ ազատագրկման ձևով նշանակված պատիժը պայմանականորեն չկիրառելով, թույլ են տվել ՀՀ քրեական օրենսգրքի 70-րդ հոդվածի ոչ ճիշտ կիրառում: Այսինքն, թույլ է տրվել ՀՀ քրեական դատավարության օրենսգրքի 387-րդ հոդվածով նախատեսված նյութական իրավունքի խախտում: Ուստի անհրաժեշտ է, Ե.Պետրոսյանի նկատմամբ ազատագրկման ձևով նշանակված պատիժը պայմանականորեն չկիրառելու մասով փոփոխել ստորադաս դատարանների դատական ակտերը՝ Ե.Պետրոսյանի նկատմամբ ազատագրկման ձևով նշանակված պատիժը ՀՀ քրեական օրենսգրքի 70-րդ հոդվածի հիման վրա պայմանականորեն չկիրառելը վերացնել՝ թողնելով կրելու ազատագրկում՝ 11 ամիս 27 օր ժամկետով:

Միաժամանակ, Վճռաբեկ դատարանը գտնում է, որ Ե.Պետրոսյանի նկատմամբ անհրաժեշտ է նշանակել բժշկական բնույթի հարկադրանքի միջոց:

Ելնելով վերոգրյալից և ղեկավարվելով Հայաստանի Հանրապետության Սահմանադրության 162-րդ, 163-րդ և 171-րդ հոդվածներով, ՀՀ քրեական դատավարության օրենսգրքի 22-րդ, 31-րդ, 34-րդ, 113-115-րդ, 264-րդ, 281-րդ, 361-րդ, 363-րդ և 385-387-րդ հոդվածներով՝ Վճռաբեկ դատարանը

## Ո Ր Ո Շ Ե Ց

1. Երվանդ Արայիկի Պետրոսյանի վերաբերյալ ՀՀ քրեական օրենսգրքի 235-րդ հոդվածի 1-ին մասով Երևան քաղաքի առաջին ատյանի ընդհանուր իրավասության

<sup>11</sup> Տե՛ս սույն որոշման 8-րդ կետը:

քրեական դատարանի՝ 2023 թվականի հոկտեմբերի 26-ի դատավճիռը և այն անփոփոխ թողնելու մասին ՀՀ վերաքննիչ քրեական դատարանի՝ 2024 թվականի սեպտեմբերի 2-ի որոշումը փոփոխել: Երվանդ Արայիկի Պետրոսյանի նկատմամբ ազատագրկման ձևով նշանակված պատիժը ՀՀ քրեական օրենսգրքի 70-րդ հոդվածի հիման վրա պայմանականորեն չկիրառելը վերացնել՝ Երվանդ Արայիկի Պետրոսյանին թողնելով կրելու ազատագրկում՝ 11 ամիս 27 օր ժամկետով:

2. Երվանդ Արայիկի Պետրոսյանի նկատմամբ նշանակել հոգեբույժի մոտ արտահիվանդանոցային հսկողություն՝ ըստ ազատագրկման կրման վայրի:

3. Երվանդ Արայիկի Պետրոսյանի պատժի սկիզբը հաշվել նրան արգելանքի վերցնելու օրվանից:

Որոշումն օրինական ուժի մեջ է մտնում կայացնելու օրը:

Նախագահող՝ \_\_\_\_\_ Լ.ԹԱԴԵՎՈՍՅԱՆ

Դատավորներ՝ \_\_\_\_\_ Ս.ԱՎԵՏԻՍՅԱՆ

\_\_\_\_\_ Հ.ԳՐԻԳՈՐՅԱՆ

\_\_\_\_\_ Ա.ՊՈՂՈՍՅԱՆ